



Broj: 05-07-1-728-20/17
Sarajevo, 29. 3. 2017. godine



BOSNA I HERCEGOVINA
MINISTARSTVO ZA LJUDSKA PRAVA I IZBJEGLICE

PRIMLJENO: 21-07-2017 24.04.17

Organizaciona jedinica	Klasifikacioni oznaka	Redni broj	Priloga
03/07	37-1	204-20/17	

MINISTARSTVO ZA LJUDSKA PRAVA I IZBJEGLICE
- n/r tajnika Ministarstva -

SARAJEVO

PREDMET: Obavijest o zaključku Vijeća ministara BiH


Vijeće ministara Bosne i Hercegovine na 96. sjednici, održanoj 28. 3. 2017. godine, razmotrilo je i usvojilo Program obilježavanja značajnih datuma iz oblasti ljudskih prava u Bosni i Hercegovini za 2017. godinu, uz prihvaćenu sugestiju ministra vanjske trgovine i ekonomskih odnosa (točka 8. – i preciziranje Ministarstva vanjske trgovine i ekonomskih odnosa kao implementatora).

Zadužuju se nadležna ministarstva i druge samostalne upravne organizacije Vijeća ministara Bosne i Hercegovine da, u suradnji s Ministarstvom za ljudska prava i izbjeglice Bosne i Hercegovine, na prigodan način i u skladu s mogućnostima sudjeluju u realizaciji navedenog programa.

Zadužuju se nadležne institucije Bosne i Hercegovine da u okviru svojih planiranih proračunskih sredstava realiziraju pojedine aktivnosti u 2017. godini.

O zaključku vas informiramo radi njegove provedbe.

S poštovanjem,



PROGRAM OBILJEŽAVANJA ZNAČAJNIH DATUMA IZ OBLASTI LJUDSKIH PRAVA U BOSNI i HERCEGOVINI ZA 2017. GODINU

R. br.	Datum obilježavanja	Naziv međunarodnog dana sa obrazloženjem	Prijedlog manifestacije	Implementatori
1.	15. januar	<i>Svjetski dan vjerske slobode (priznat od UN-a)</i> (Univerzalna deklaracija o ljudskim pravima i osnovnim slobodama- utvrdila je i pravo na slobodu misli, savjesti i vjeroispovijesti, a ovo pravo utvrđeno je i u okviru Ustava BiH)	- Saopćenje za javnost i/ili organiziranje tribine	- Ministarstvo za ljudska prava i izbjeglice BiH
2.	27. januar	Međurodni dan sjećanja na žrtve holokausta (Ovaj datum obilježava godišnjicu oslobađanja nacističkog koncentracionog logora Auschwitz. Na 42. sastanku Generalne skupštine UN 1.11.2005. usvojena je <u>Rezolucija A/RES/60/7</u> kojom je 27. januar proglašen međurodnim danom sjećanja na žrtve holokausta)	- Saopćenje za javnost	Ministarstvo za ljudska prava i izbjeglice BiH - Jevrejska zajednica Bosne i Hercegovine
3.	9. februar	<i>Međunarodni dan obrazovanja</i> (Deveti februar je Međunarodni dan obrazovanja i obilježavaju ga zemlje članice Ujedinjenih nacija)	Saopćenje za javnost	Ministarstvo civilnih poslova BiH (Sektor za obrazovanje)
4.	9. februar	Dan sigurnog interneta (Save Internet Day) (Dan koji će se 2015. godine obilježiti pod pokroviteljstvom Evropske unije već se obilježava u više od 65 zemalja svijeta u cilju promocije sigurnijeg korištenja interneta i novih komunikacijskih tehnologija, te upoznavanja korisnika, prije svega djece i roditelja, o potencijalnim opasnostima	Saopćenje za javnost Realizirat će se sa predstavnicima nevladine organizacije koja ovu aktivnost provodi u proteklih nekoliko godina	- Regulatorna agencija za komunikacije BiH - Ministarstvo sigurnosti BiH (Odsjek za borbu protiv trgovine ljudima i Sektor za informatiku i telekomunikacione sisteme)

		interneta i sa načelima za sigurno korištenje istog)		
5.	1. mart	Međunarodni dan civilne zaštite (Ovaj dan se obilježava od 1972. godine od stupanja na snagu Ustava Međunarodne organizacije za civilnu zaštitu ICDO koje je i Bosna i Hercegovina članica od 5.04.1994.)	- Saopćenje za javnost - Pres konferencija	Ministarstvo sigurnosti BiH (Sektor za zaštitu i spašavanje)
6.	8. mart	Međunarodni dan žena (Generalna skupština UN-a je 1977. godine donijela Rezoluciju 32/142 kojom se ovaj dan obilježava kao dan žena)	„Sedmica ravnopravnosti spolova“ Saopćenje za javnost i aktivnosti sa nevladinim organizacijama	Ministarstvo za ljudska prava i izbjeglice BiH
7.	21. mart	Međunarodni dan eliminacije svih oblika rasne diskriminacije (Generalna skupština UN-a je 1966. godine je donijela Rezoluciju 2142(XXI) kojom poziva međunarodnu zajednicu da ukine sve oblike rasne diskriminacije i odredila da će 21. mart obilježavati kao Međunarodni dan ukidanja svih oblika rasne diskriminacije. Nakon toga je usvojen niz dokumenata u cilju borbe protiv rasizma: Konvencija o sprječavanju i kažnjavanju zločina genocida 1948, Deklaracija o ukidanju svih oblika rasne diskriminacije 1963, Međunarodna Konvencija o suzbijanju i kažnjavanju zločina aparthejda 1973.)	Saopćenje za javnost	Ministarstvo za ljudska prava i izbjeglice BiH
8.	22. mart	Svjetski dan voda (Generalna skupština UN-a je rezolucijom 47/193 od 22. decembra 1992. god proglasila 22. mart Svjetskim danom voda)	Saopćenje za javnost	Ministarstvo vanjske trgovine i ekonomskih odnosa BiH – Ured za veterinarstvo BiH

9.	23. mart	<i>Svjetski dan meteorologije</i> (Ovaj dan se obilježava od 23. marta 1950. godine, kada je usvojena Konvencija o osnivanju Svjetske meteorološke organizacije (WMO) koja je od 1951. god specijalizirana agencija UN-a. Bosna i Hercegovina je 30. juna 1994. god postala punopravan član ove organizacije)	Saopćenje za javnost	Ministarstvo civilnih poslova BiH (Sektor za geodetske, geološke i meteorološke poslove)
10.	24. mart	<i>Svjetski dan borbe protiv tuberkuloze</i> (Svetska zdravstvena organizacija proglasila je 24. mart Međunarodnim danom borbe protiv tuberkuloze kako bi upozorila na važnost obuzdavanja te opasne bolesti. Na ovaj dan je otkriven i virus koji prouzrokuje TBC)	Saopćenje za javnost	Ministarstvo civilnih poslova BiH (Sektor za zdravstvo)
11.	7. april	<i>Svjetski dan zdravlja WHO</i> (Obilježava se od 1950. god. na dan osnivanja Svjetske zdravstvene organizacije)	- Saopćenje za javnost - Pres konferencija	Ministarstvo civilnih poslova BiH (Sektor za zdravstvo)
12.	8. april	<i>Međunarodni dan Roma</i> (8. april kao Međunarodni dan Roma je proglašen 1990. godine u Poljskoj na četvrtom Svjetskom Kongresu Roma u čast prvog sastanka romskih predstavnika koji je održan od 7-12. aprila 1971. god u Londonu)	Saopćenje za javnost Svečana sjednica Odbora za Rome	- Ministarstvo za ljudska prava i izbjeglice BiH - Odbor za Rome pri Vijeću ministara BiH
13.	22. april	<i>Dan planete Zemlje</i> (Rezolucijom 60/192 Generalna skupština UN-a je 22. decembra 2005. godine proglasila 2008. godinu Međunarodnom godinom planete Zemlje)	Saopćenje za javnost	Ministarstvo vanjske trgovine i ekonomskih odnosa BiH
14.	27. april	<i>Svjetski dan veterinara</i> (Obilježava se od 27. aprila 2000. godine s	Saopćenje za javnost	Ministarstvo vanjske trgovine i ekonomskih odnosa BiH

		ciljem isticanja važnosti veterinarske profesije i njihove uloge u zaštiti zdravlja ljudi i životinja, sigurnosti hrane, sigurnosti svjetske trgovine životinjama , kao i zaštita javnog zdravlja)		Ured za veterinarstvo BiH
15.	1. maj	Međunarodni praznik rada (U spomen na žrtve iz Chicaga i sve druge žrtve dvostoljetne radničke borbe za dostojne radne i životne uslove od 1889. godine 1. maj se obilježava kao Međunarodni praznik rada, dan radničke solidarnosti)	Saopćenje za javnost	- Ministarstvo civilnih poslova BiH (Sektor za rad, zapošljavanje, socijalnu zaštitu i penzije) - Agencija za rad i zapošljavanje BiH
16.	3. maj	Međunarodni dan slobode medija (UNESCO) (Generalna skupština UN-a je 1993. god prema Preporuci usvojenoj 1991. god. na 26. zasjedanju Generalne Konferencije UNESCO-a proglasila 03. maj Svjetskim danom slobode medija)	Saopćenje za javnost	Regulatorna agencija za komunikacije BiH
17.	9. maj	Dan Evrope (9. maja 1950. godine su načinjeni prvi koraci ka kreiranju onoga što je danas poznato kao Evropska Unija. Tog dana je Rober Schuman, francuski ministar inostranih poslova prezentirao prijedlog koji je kasnije poveo ka kreiranju Evropske Unije)	Obilježavanje će se realizirati u skladu sa Akcionim planom za implementaciju Komunikacijske strategije za informiranje javnosti o procesu pristupanja Bosne i Hercegovine Evropskoj uniji za 2016. godinu	Direkcija za evropske integracije Vijeća ministara BiH (Služba za promociju evropskih integracija)
18.	9. maj	Dan pobjede nad fašizmom u Evropi (1950. godine proklamovana je ideja o ujedinjenju Evrope, a 1945. godine kapitulirala je Hitlerova Njemačka, tako da se 9. maj na Balkanu obilježava kao Dan Evrope, odnosno Dan pobjede nad fašizmom)	Saopćenje za javnost	Vijeće ministara BiH – Kabinet predsjedavajućeg
19.	15. maj	Međunarodni dan porodice (Generalna skupština UN-a je 20. septembra 1993. godine donijela rezoluciju 47/237 kojom se utvrđuje 15. maj kao Međunarodni dan porodice)	Saopćenje za javnost i/ili aktivnosti sa nevladinim organizacijama.	Ministarstvo za ljudska prava i izbjeglice BiH

20.	17. maj	Međunarodni dan borbe protiv homofobije i transfobije (Ovaj datum se obilježava od 2004. godine u cilju skretanja pažnje na nasilje i diskriminaciju koju svakodnevno doživljavaju LGBT osobe širom svijeta.)	Saopćenje za javnost i i/ili aktivnosti sa nevladinim organizacijama	Ministarstvo za ljudska prava i izbjeglice BiH
21.	4. juni	Međunarodni dan nedužne djece žrtava agresije (19. avgusta 1982. godine na specijalnoj sesiji o pitanjima Palestine, Generalna skupština UN-a je donijela odluku da se 04. jun obilježava kao Međunarodni dan nevine djece žrtava agresije rezolucijom ES-7/8)	Saopćenje za javnost i/ili prigodna konferencija	Ministarstvo za ljudska prava i izbjeglice BiH i Vijeće za djecu BiH
22.	5. juni	Svjetski dan zaštite čovjekove okoline (UNEP) (Rezolucijom 2994(XXVII) od 15. decembra 1972. godine Generalna skupština UN-a je 5. jun proglasila Svjetskim danom zaštite okoliša. 5. juna 1972. godine je održana UN Konferencija o čovjekovom okolišu što je vodilo ka formiranju Programa za zaštitu okoliša UN-a UNEP)	Saopćenje za javnost	Ministarstvo vanjske trgovine i ekonomskih odnosa BiH
23.	15. juni	Međunarodni dan borbe protiv nasilja nad starijim osobama Generalna skupština Ujedinjenih naroda, u svojoj rezoluciji 66/127, odredila je 15. juni kao Svjetski dan borbe protiv nasilja nad starijim osobama. To je dan u godini kada cijeli svijet izražava svoje protivljenje zlostavljanju i patnji starijih generacija.	Saopćenje za javnost	Ministarstvo za ljudska prava i izbjeglice BiH
24.	20. juni	Svjetski dan izbjeglica (4. decembra 2000. godine Generalna skupština UN-a je rezolucijom 55/76 utvrdila 20. juni kao Svjetski dan izbjeglica)	Saopćenje za javnost	Ministarstvo za ljudska prava i izbjeglice BiH
25.	26.	Međunarodni dan protiv zloupotrebe i	Saopćenje za javnost	Ministarstvo sigurnosti BiH

	juni	nezakonite prodaje droge (U skladu s preporukom sa Međunarodne Konferencije o zlobutrobi i nelegalnoj prodaji droga iz juna 1997. godine, Generalna skupština UN-a je 7. decembra 1987. godine rezolucijom 42/113 proglasila 26. jun Međunarodnim danom protiv zloupotrebe i nezakonite prodaje droge)		(Sektor za borbu protiv terorizma, organiziranog kriminaliteta i zloupotrebe narkotika)
26.	26. juni	Svjetski dan UN za podršku žrtvama torture (Na preporuku Ekonomskog i socijalnog Vijeća, Generalna skupština UN-a je 12. decembra 1997. godine rezolucijom 52/149 proglasila 26. jun Međunarodnim danom za podršku žrtvama torture – Konvencija za borbu protiv torture i drugih okutnih, neljudskih i ponižavajućih postupanja i kažnjavanja je stupila na snagu 26. 6.1987.)	Saopćenje za javnost i/ili druge prigodne aktivnosti sa nevladinim organizacijama	Ministarstvo za ljudska prava i izbjeglice BiH
27.	11. juli	Svjetski dan stanovništva (UNFP) (Ovaj dan je prvi put obilježen 11. jula 1987. godine kada je broj stanovnika na Zemlji dostigao 5 milijardi)	Saopćenje za javnost	Agencija za statistiku BiH
28.	2. august	Međunarodni dan sjećanja na romske žrtve Holokausta (Obilježava se 02. augusta kao dan sjećanja na 2897 ubijenih Roma u koncentracijskom logoru Auschwitz. Ovaj datum, prihvaćen je i od strane Vijeća Evrope, a na inicijativu romskih organizacija i obilježava se širom Evrope.	Saopćenje za javnost	- Ministarstvo za ljudska prava i izbjeglice BiH - Odbor za Rome pri Vijeću ministara BiH
29.	12. august	Međunarodni dan mladih (1998. godine rezolucija kojom je 12. avgust proglašen Međunarodnim danom mladih je	Saopćenje za javnost	Ministarstvo civilnih poslova BiH (Komisija za mlade u BiH)

		usvojena na prvom zasjedanju Svjetske Konferencije Ministara odgovornih za pitanja mladih u Lisabonu 8-12 avgusta 1998. (Rezolucija Generalne skupštine A/RES/54/12)		
30.	30. august	Međunarodni dan nestalih (Međunarodni dan nestalih se obilježava u značajnom broju zemljama počev od 30. augusta 2006. godine, a stupanjem na snagu Međunarodne konvencije o zaštiti svih osoba od prisilnog nestanka (23. decembar 2010. godine), a od strane UN-a prvi put se obilježava 30. augusta 2011. godine kao Međunarodni dan nestalih. U BiH je u proteklom periodu bila pogođena ratnim zbivanjima što je rezultiralo velikim brojem nestalih osoba za kojima se još uvijek traga.)	- Saopćenje za javnost	- Ministarstvo za ljudska prava i izbjeglice BiH
31.	8. septembar	Međunarodni dan pismenosti (UNESCO je 1965. godine je proglasio 8. septembar Međunarodnim danom pismenosti)	Saopćenje za javnost	Ministarstvo civilnih poslova BiH (Sektor za obrazovanje)
32.	16. septembar	Međunarodni dan zaštite ozonskog omotača (Generalna skupština UN-a je rezolucijom 49/114 je donijela odluku da se dan potpisivanja Montrealškog protokola obilježava kao Međunarodni dan zaštite ozonskog omotača)	Saopćenje za javnost	Ministarstvo vanjske trgovine i ekonomskih odnosa BiH
33.	21. septembar	Međunarodni dan mira (2001. godine Generalna skupština UN-a je donijela rezoluciju 55/282 kojom se 21. septembar svake godine proglašava Međunarodnim danom mira)	Saopćenje za javnost	Ministarstvo odbrane BiH

34.	26. septembar	<i>Evropski dan jezika</i> (Utemeljen odlukom Vijeća Evrope 2001. godine s ciljem poticanja jezične različitosti, višejezičnosti i cjeloživotnog učenja)	Objavlivanje prigodnih sadržaja na internet i facebook stranici DEI u cilju promocije jezika, višejezičnosti i cjeloživotnog učenja stranih jezika u Bosni i Hercegovini	Direkcija za evropske integracije Vijeća ministara BiH
35.	1. oktobar	<i>Međunarodni dan starijih osoba</i> (Rezolucijom 45/106 od 14. decembra 1990. godine Generalna skupština UN-a je proglasila 1. oktobar Međunarodnim danom starijih osoba)	Saopćenje za javnost	Ministarstvo civilnih poslova BiH (Sektor za zdravstvo i Sektor za rad, zapošljavanje, socijalnu zaštitu i penzije) Ministarstvo za ljudska prava i izbjeglice BiH
36.	5. oktobar	<i>Svjetski dan prosvjetnih radnika</i> (Kako bi se obilježilo potpisivanje UNESCO/ILO Preporuke vezano za status prosvjetnih radnika 5. oktobra 1966. godine UNESCO je 5. oktobar proglasio Svjetskim danom prosvjetnih radnika)	Saopćenje za javnost	Ministarstvo civilnih poslova BiH (Sektor za obrazovanje)
37.	10. oktobar	<i>Svjetski dan mentalnog zdravlja</i> (Svjetski dan mentalnog zdravlja je prvi put obilježen 10. oktobra 1992. godine od strane Svjetske Federacije za mentalno zdravlje)	Saopćenje za javnost	Ministarstvo civilnih poslova BiH (Sektor za zdravstvo)
38.	13. oktobar	<i>Svjetski dan smanjenja rizika od katastrofa</i> (Rezolucijom 64/200, od 21. decembra 2009. godine, Generalna skupština UN je odredila da se 13. oktobar obilježava kao Međunarodni dan smanjenja rizika od katastrofa, s ciljem da se podigne svijest o poduzimanju aktivnosti na smanjenju rizika od katastrofa)	- Saopćenje za javnost - Press konferencija	Ministarstvo sigurnosti BiH (Sektor za zaštitu i spašavanje)
39.	15. oktobar	<i>Svjetski dan bijelog štapa</i> (1970. godine Predsjednik Međunarodnog saveza slijepih je 15. oktobar proglasio Međunarodnim danom bijelog štapa).	Saopćenje za javnost	Ministarstvo civilnih poslova BiH (Sektor za zdravstvo i Sektor za rad, zapošljavanje, socijalnu zaštitu i penzije)

40.	15. oktobar	Međunarodni dan žena na selu (Ustanovljen na konferenciji žena u Pekingu 1995. godine)	Saopćenje za javnost i/ili druge prigodne aktivnosti sa nevladinim organizacijama	Ministarstvo za ljudska prava i izbjeglice BiH
41.	17. oktobar	Međunarodni dan iskorjenjivanja siromaštva (Rezolucijom 47/196 Generalna skupština UN-a je 22. decembra 1992. godine proglasila 17. oktobar Međunarodnim danom iskorjenjivanja siromaštva)	Saopćenje za javnost	Direkcija za ekonomsko planiranje pri Vijeću ministara BiH
42.	18. oktobar	Evropski dan borbe protiv trgovine ljudima (Evropska Komisija je 18.oktobra 2007. godine inicirala obilježavanje 18. oktobra kao EU danom suzbijanja trgovine ljudima i sve zemlje članice EU su pozvane da na nacionalnom nivou obilježe ovaj dan organizirajući događaje za javnost)	- Ministarstvo sigurnosti BiH će planirane aktivnosti realizirati u saradnji sa predstavnicima regionalnih timova i nevladinim organizacijama. - Saopćenje za javnost	- Ministarstvo sigurnosti BiH (Odsjek za borbu protiv trgovine ljudima) - Ministarstvo za ljudska prava i izbjeglice BiH
43.	5. novembar	Svjetski dan romskog jezika (5.11. 2009 održan je prvi Simpozij o romskom jeziku kojom prilikom su okupljeni učesnici iz cijeloga svijeta donijeli POVELJU i DEKLARACIJU Simpozija povodom Svjetskog dana romskog jezika koju su potpisali svi učesnici među kojima su bili i predstavnici Međunarodne unije Roma (IRU). Tada je između ostalog zaključeno da se dan 5. novembar obilježava kao Svjetski dan romskog jezika u svim zemljama u kojima žive Romi)	Saopćenje za javnost Svečana sjednica Odbora za Rome	- Ministarstvo za ljudska prava i izbjeglice BiH - Odbor za Rome pri Vijeću ministara BiH
44.	9. novembar	Međunarodni dan borbe protiv fašizma i antisemitizma (U svijetu se 9. novembar obilježava kao Međunarodni dan borbe protiv fašizma i antisemitizma, ustanovljen kao znak sjećanja na Jevreje, koje su nacisti ubili tokom "Kristalne noći" 9. novembra 1938. godine. "Kristalna noć" poznata, i kao Carska kristalna	Saopćenje za javnost	Ministarstvo za ljudska prava i izbjeglice BiH

		noć, označava veliki pogrom Jevreja širom Njemačke, a u modernoj historiji označena je kao početak holokausta)		
45.	16. novembar	Međunarodni dan tolerancije (1996. godine Generalna skupština UN-a je pozvala zemlje članice da 16. novembar obilježavaju kao Međunarodni dan tolerancije – rezolucija 51/95 od 12. decembra)	Saopćenje za javnost	- Ministarstvo za ljudska prava i izbjeglice BiH
46.	19. novembar	Međunarodni dan muškaraca (U više od 50 zemalja svijeta na svim kontinentima 19. novembar se obilježava kao Međunarodni dan muškaraca. Prvi Međunarodni dan muškaraca obilježen je 1999. godine pod pokroviteljstvom UNESCO-a.)	Saopćenje za javnost	Ministarstvo za ljudska prava i izbjeglice BiH - Agencija za ravnopravnost spolova BiH
47.	19. novembar 20. novembar	Međunarodni dan borbe protiv zloupotrebe djece i Međunarodni dan prava djeteta (Međunarodni dan borbe protiv zloupotrebe djece se počeo obilježavati 19. 11., kao potpora Danu dječjih prava koji se obilježava 20. 11., na dan usvajanja Konvencije UN o pravima djeteta) (Generalna skupština UN-a je 14. decembra 1954. godine rezolucijom 836(IX) preporučila da se 20. novembar obilježava kao Univerzalni dan prava djeteta jer je na taj datum 1959. usvojena Deklaracija o pravima djeteta a 1989. Konvencija o pravima djeteta)	Saopćenje za javnost i/ili prigodna konferencija	- Ministarstvo za ljudska prava i izbjeglice BiH, - Vijeće za djecu BiH i - Institucija ombudsmena za ljudska prava BiH - Ministarstvo sigurnosti BiH (Odsjek za borbu protiv trgovine ljudima)
48.	25. novembar	Međunarodni dan borbe protiv nasilja nad ženama (Generalna skupština UN-a je 17. decembra 1999. godine Rezolucijom 54/134 proglasila 25. novembar Međunarodnim danom borbe	Saopćenje za javnost i/ili druge prigodne aktivnosti sa nevladinim organizacijama	Ministarstvo za ljudska prava i izbjeglice BiH

		protiv nasilja nad ženama)		
49.	1. decembar	<i>Svjetski dan borbe protiv AIDS-a</i> (UN Deklaracija o posvećenosti HIV/AIDS-u od 27. juna 2001. godine; Deklaracija za Jugoistočnu Evropu o prevenciji HIV/AIDS-a od 8. juna 2002.; Otavska rezolucija od 2004.)	- Saopćenje za javnost - Sjednica Savjetodavnog odbora za borbu protiv HIV/AIDS-a za BiH - Press konferencija	Ministarstvo civilnih poslova BiH (Sektor za zdravstvo i Savjetodavni odbor za borbu protiv HIV/AIDS-a za BiH)
50.	3. decembar	<i>Međunarodni dan osoba sa invaliditetom</i> (1992. godine završetkom Dekade za osobe s invaliditetom 1982-1992, Generalna skupština je proglasila 3. decembar Međunarodnim danom osoba s invaliditetom – rezolucija 47/73)	- Saopćenje za javnost - Tematska sjednica povodom 3. decembra Međunarodnog dana osoba sa invaliditetom“.	- Ministarstvo za ljudska prava i izbjeglice BiH i - Ministarstvo civilnih poslova BiH - Vijeće za osobe sa invaliditetom BiH
51.	5. decembar	<i>Međunarodni dan volontera</i> (Kao podsjećanje na dan kada je 1970. godine stvoren Program UN-a za volontere, Generalna skupština Ujedinjenih nacija proglasila je 17. decembra 1985. godine, 5. decembar – Međunarodnim danom volontera. Ovaj dan se obilježava kao dan dobrovoljnog rada za ekonomski i društveni napredak)	Realizirat će se aktivnostima putem web stranice Ministarstva	Ministarstvo civilnih poslova BiH (Sektor za rad, zapošljavanje, socijalnu zaštitu i penzije)
52.	10. decembar	<i>Međunarodni dan ljudskih prava</i> (Ovim danom se obilježava dan stupanja na snagu Univerzalne deklaracije o ljudskim pravima 10. decembra 1948. godine)	- Saopćenje za javnost - Konferencija	- Ministarstvo za ljudska prava i izbjeglice BiH, - Institucija ombudsmena za ljudska prava BiH
53.	18. decembar	<i>Međunarodni dan migranata</i> (4. decembra 2000. godine, Generalna skupština UN-a potaknuta velikim brojem migranata u svijetu proglasila je 18. decembar Međunarodnim danom migranata jer je na taj dan 1990. usvojena Međunarodna Konvencija o zaštiti prava svih radnika migranata i članova njihovih porodica)	- Saopćenje za javnost	- Ministarstvo sigurnosti BiH (Sektor za imigraciju, Sektor za azil i Služba za poslove sa strancima) i - Ministarstvo za ljudska prava i izbjeglice BiH

Na osnovu izloženog Ministarstvo za ljudska prava i izbjeglice Bosne i Hercegovine predlaže donošenje sljedećih:

ZAKLJUČAKA:

1. Usvaja se Prijedlog Programa obilježavanja značajnih datuma iz oblasti ljudskih prava u Bosni i Hercegovini za 2017. godinu
2. Zadužuju se nadležna ministarstva i druge samostalne uprave organizacije Vijeća ministara BiH da u suradnji sa Ministarstvom za ljudska prava i izbjeglice BiH na prigodan način i u skladu sa mogućnostima učestvuje u realizaciji navedenog programa.
3. Zadužuju se nadležne institucije Bosne i Hercegovine da u okviru svojih planiranih budžetskih sredstva realizuju pojedine aktivnosti u 2017. godini.